

Tio Rudy Croes ta yama esaki e revelacion pa 2009 pa e partido

Evelyn Wever Croes ta acepta reto y subi lista di partido MEP

E ta sigui e tradicion di su famia siguiendo su tata Hendrik Croes

ORANJESTAD – Despues di a pense hopi, Evelyn Wever-Croes a dicidi di tuma e reto y drenta politica activamente. Ayera e decision a cay porfin cu e ta subi lista cu su tio y tata tabata parti di dje, esta e partido MEP, balido pa e proximo eleccion parlamentario na september 2009. Cu esaki e ta continua e tradicion di su famia, siguiendo pasonan di su defunto tio Betico Croes y su tata Hendrik Croes.

Tabata diahuebs anochi cu e reunion final a tuma lugar entre Evelyn cu lider di partido Nel Oduber, y e decision final a cay cu Wever lo subi lista di e partido.

Ayera tardi finalmente e noticia a plama ora cu otro tio activo den politica Rudy Croes, a confirma e noticia cu su

sobrino stima Evelyn a acepta e reto pa subi lista gel, y cu dialuna mainta awor Evelyn lo presenta su mes oficialmente como e proximo candidato pa e lista di e partido.

Croes a manda palabra di pabien pa su sobrino Evelyn y a desee tur cos bon y ta yama e paso aki e revelacion 2009 y cu Evelyn ta conta cu sosten di famia Croes completo.

Por corda con algun siman pasa ora cu otro sobrino Paul Croes a dicidi di haci su entrada den politico, e decision di uni cu e partido contrincante AVP, esaki no a cay den bon tera cerca e famia y a cuminsa tilda Croes di traicion. Algo cu Croes mester biba cune y a acepta tambe.

Den caso di Evelyn, esaki ta otro y ta muestra cu e lo bay

ta un forza pa famia Croes y sigur pa e partido gel, mirando su cualidadnan como dama, y tambe como profesional den comunidad di Aruba. Conoci tambe riba tereno social via Quota Club, el a sa di desplega un sin fin di talento y esey a refleha bon durante su tempo den e club. Bon Dia Aruba ta desee tur clase di exito cu su reto nobo como politico.



Evelyn Wever- Croes